

Edictum Claudii de civitate Anaunorum, a. 46.

206 M. Iunio Silano, Q. Sulpicio Camerino cos. | fidibus Martis¹, Baīs in praetorio, edictum | Ti. Claudi Caesaris Augusti Germanici propositum fuit id | quod infra scriptum est. |

Ti. Claudius Caesar Augustus Germanicus pont. | maxim., trib. potest. VI, imp. XI, p. p., cos. designatus IIII, dicit: |

Cum ex veteribus controversis pe[nd]entibus² aliquamdiū etiam | temporibus Ti. Caesaris patrui mei, ad quas ordinandas | Pīnarium Apollinarem miserat³, — quae tantum modo | inter Comenses essent (quantum memoria refero) et | Bergaleos⁴, — isque primum apsentia pertinaci patrui mei⁵, | deinde etiam Gaī principatu, quod ab eo non exigebatur | referre, non stulte quidem, neglexserit; et posteac | detulerit Camurius Statutus ad me, agros plerosque | et saltus mei iūris esse: in rem praesentem misi | Plantam Iulium amīcum et comitem meum, qui | cum, adhibitis procuratoribus meis qu[i]que⁶ in alia | regione quique in vīcinia erant, summa cura inqui[s]ierit et cognoverit, cetera quidem, ut mibi demons[trata] commentario facto ab ipso sunt, statuat pronuntietque ipsi permitto. |

Quod ad condicionem Anaunorum et Tulliassium et Sinduno|rūm⁷ pertinet, quorum partem delator adtributam Tridentinīs, partem ne adtributam quidem arguisse dicitur, | tametsi animadverto non nimium firmam id genus homi|num habere civitatis Romanae originem: tamen, cum longa | usurpatione in possessionem eius fuisse dicatur et ita permix|tum cum Tridentinīs, ut dīduci ab is sine gravi splendi[di]⁸ municipi | iniuriā non possit, patior eos in eo iure, in quo esse se existimaverunt, permanere beneficio meo, eo quidem libentius, quod | pler[i]que⁹ ex eo genere homi|num etiam militare in praetorio | meō dicuntur, quidam vero ordines quoque duxisse, | nonnulli [a]llecti¹⁰ in decurias Romae res iudicare. |

Quod benificium is ita tribuo, ut quaecunque tanquam | cīves Romani gesserunt egéruntque, aut inter se aut cum | Tridentinīs alisve, rat[a] esse iubea[m]¹¹, nominaque ea, | quae habuerunt antea tanquam cives Romani, ita habere is permittam.

Tabula aenea rep. ad vicum Cles vallis Anaunorum (val di Non) prope Tridentum, nunc Tridenti (V5050). Illustravit Mo. Herm. 4 p. 403 seq. — 1) 45 Mart. 46. — 2) petentibus aes. — 3) Structura turbata; debuit esse cum Ti. Caesar ad veteres controv. ordinandas Pinarium Apollinarem miserit. — 4) Incolae sine dubio vallis hodie Bergell dictae, supra Chiavennam. — 5) Insectatur Tiberium inde ab a. 26 urbe carentem. — 6) quisque aes. — 7) Ex his populis soli Anauni praeterea noti. — 8) splendi, 9) plerisqne, 10) collecti, 11) ratam esse iubeat aes.

207 Ti. Claudius Drusi f. Caesar | Aug. Germanicus pontif. max., trib: potest. VI, cos. design. IIII¹, imp. XII², p. p., | fossis ductis a Tiberi operis portū[s] | caussā³ emissisque in mare urbem | inundationis periculo liberavit